

GEMEENTEBULLETTIN

14 AUGUSTUS 2020



AANLYN EREDIENSTE | SONDAG 16 AUG.

Oggenddiens (Nagmaal)

Matteus 6:1-4 | Waarom wil ek help? | Ds. Callie Visagie

Gesinsdiens (Nagmaal)

Matteus 6:1-4 | Waarom wil ek help? | Ds. René Potgieter

Meditatiewe diens

Die Meditatiewe diens hervat weer op 23 Augustus 2020.

Relevant-diens (Nagmaal)

KYK aanlyn Sondagoggend vanaf 06:00 en enige tyd daarna na die opnames van bogenoemde eredienste op www.stellenberg.co.za, of op die Youtube-kanaal.

LUISTER na die klankbaan van die oggenddiens op die webwerf.

LEES die geskrewe oggenddienspreek op die webwerf.

BEDIENING BY EDELWEISS

Dr. Theo Swart is baie opgewonde dat sy bediening by Edelweiss, alhoewel op 'n baie beperkte basis, weer kan hervat. Hy gaan voortaan op Dinsdae en Donderdae tydens die twee middagetesessies 'n kort boodskap met die inwoners deel. Ons vertrou dat dié bediening en ook al ons ander gemeentebedrywighede eersdaags weer volstroom kan funksioneer.

STELLENBERGER NUUSBLAD

Die gemeente se maandelikse nuusblad is vanaf 14 Augustus elektronies beskikbaar. Indien jy nie die blad per e-pos ontvang het nie, stuur asb. 'n e-pos aan sanel@stellenberg.co.za, of lees dit aanlyn op www.stellenberg.co.za. Gedrukte kopieë kan wel tussen 08:00 en 13:00 by die kerkkantoor afgehaal word. Die uitgawe is propvol nuus en persoonlike getuïenisse van lidmate – moet dit nie misloop nie.

STELLENBERG BYBELSKOOL

Die volledige Bybelskoolreeks oor Paulus se vroeë lewe, sy radikale bekering en sy bediening wat daarop gevolg het, is nou aanlyn beskikbaar. Besoek www.stellenberg.co.za en klik op die Bybelskool-blokkie op die tuisblad, om na die ses opnames te kyk.

HULP@STELLENBERG. CO.ZA

Indien jy hulp (fisies of geestelik) benodig tydens die inperking, of graag hulp wil aanbied, stuur asb. 'n e-pos aan hulp@stellenberg.co.za of kontak ons leraars telefonies.

DAAGLIKSE GEESTELIKE BOODSKAPPE

Die daaglikse geestelike dagstukke wat op die webwerf en die gemeente se Facebookblad beskikbaar is, kan nou ook as 'n stemboodskap wat deur leraars opgeneem is, geluister word.

Indien jy graag na die daaglikse boodskap (stemopname) op jou selfoon wil luister, stuur asb. 'n *WhatsApp* met jou naam + stemboodskap na 083 611 4720.

Jy sal dan op die verspreidingslys geplaas word en die stemboodskap daaglik op jou selfoon ontvang. Geen gemorspos nie.

ANNIBRAND SENIOR-GROEPE

'n Aanlyn opname onder tieners en jongmense het aangedui dat hulle 'n groot behoefte daarnaan het om in die kerk byeen te kom sodat hulle eredienste en kategesegroepes kan bywoon. In die lig daarvan, asook die feit dat jongmense wel skool bywoon en sodoende kontak met ander het, is besluit om graadgroepes afwisselend op Sondag die geleentheid te gee om eredienste en kategese-kleingroepes by te woon.

Die graad 11-groep kom op Sondag 23 Augustus eerste aan die beurt. Die groep word uitgenooi om die erediens in die kerk by te woon. Die diens word vanaf 17:30 met musiek en geleentheid vir aanbidding vooraf gegaan. Vanaf 18:00 word die diens direk uitgesaai sodat almal kan inskakel. Na die diens, teen 18:45, sal die kategese-aanbieding ook interaktief in die kerk aangebied word en die aanbieding sal ook direk uitgesaai word sodat ander graadgroepes wat aanlyn inskakel, aan die bespreking kan deelneem.

Op 30 Augustus kom die graad 10-groep aan die beurt.

ASEMSKEP-GEBEDSBYEENKOMS

Skakel via *ZOOM* by ons weeklikse gebedsbyeenkoms om 18:30 op Dinsdagaande in. Almal is baie welkom om deel te neem. Stuur 'n e-pos aan sanel@stellenberg.co.za of rene@stellenberg.co.za sodat ons die skakel na die byeenkoms vir jou kan e-pos.

STELLENBERG ONDERSTEUNING- SENTRUM

SOS bied berading en mediasiedienste deur professionele persone aan. 'n Kliniese sielkundige, spraak- en arbeidsterapeute, 'n besigheids- en lewensafripter, asook 'n musiekterapeut se dienste word aangebied. Die sentrum is gesluit, maar Rudolph van Schoor, sentrumbestuurder en lewensafripter, is beskikbaar by 082 854 4530.

STELLENBERG-GEMEENTE

www.stellenberg.co.za

Kerkkantoor

021 976 4519

navrae@stellenberg.co.za

Straatadres

h.v. Moutain View-rylaan en
Edelweissweg, Eversdal,
7550

KLEUR VIR KINDERS

In die lig van die skole wat weer vir vier weke gesluit is, wil ons graag inkleurkryte, boeke, kleurpenne en legkaarte versamel en aan kinders in minderbevoorregte gemeenskappe, waar min konstruktiewe vermaak bestaan, uitdeel. Gee bydraes asb. op woensdae tussen 08:00 en 13:00 by die kerkkantoor af.

VOEDSELHULP

Voedselhulp in samewerking met verskeie nieregeringsorganisasies, bly een van die gemeente se hoogste prioriteite. Voedsel word tans weekliks in Wesbank, Khayelitsha, Kraaifontein en Ysterplaat versprei.

Indien jy tot die uitgebreide voedselbediening wil bydra, kan jy 'n elektroniese oorbetalingsrekening na ABSA-tjekrekening 145 058 0011, takkode 632005, maak. Gebruik *hande en rande* as verwysing.

Ons benodig steeds **sopkokers**. Ons wil graag van ons sopkokers geleentheid gee om 'n ruskans te neem. Indien jy bereid is om weekliks 'n pot sop te kook, kontak asb. vir Anène Nortier by 083 581 6930.

AANLYN SAMARITAAN-ADVERTENSIEBLAD

Soek jy werk? Stuur dan jou besonderhede, die tipe werk waarna jy op soek is, asook jou ondervinding na sanel@stellenberg.co.za om jou vaardighede vir een maand gratis in die aanlyn advertensieblad te adverteer.

In die aanlyn Samaritaan-advertensieblad op www.stellenberg.co.za word produkte, huishoudelike dienste, onderrigdienste, dienste in die leefstyl- en skoonheidsbedryf, woonplekke, werksgeleenthede, asook gesondheidsdienste geadverteer. Besoek gerus die blad op www.stellenberg.co.za om te sien wat in jou omgewing beskikbaar is. Advertensies sonder 'n foto kan teen R50 per maand geplaas word en die met 'n foto teen R100 per maand.

NUUS PER E-POS OF OP JOU SELFOON

- Ontvang die bulletin weekliks, asook die skakels na eredienste per e-pos deur jou e-posadres aan sanel@stellenberg.co.za te stuur.
- Sluit by die WhatsApp-groep aan om die bulletin en die skakel na die oggenddiens op jou selfoon te ontvang deur jou naam, van en selfoonnommer na 083 611 4720 te stuur.

GEBEDSVERSOEKE

Stuur jou gebedsversoeke (anoniem indien jy dit verkies) na navrae@stellenberg.co.za.

FINANSIËLE BYDRAES

Ons bly opreg dankbaar teenoor elke lidmaat wat steeds finansiëel tot die gemeente se werksaamhede bydra. Die kerkraad beskou rentmeesterskap as een van hulle grootste verantwoordelikhede en in die lig daarvan word deeglike besinning rakende alle spandering toegepas.

Debietorder

Laai die aansoekvorm van die webwerf af.

EFT-betaling

Dit kan oorbetaal word na ABSA-tjekrekening
145 058 0011,
takkode 632005.



SnapScan



Kontantbydraes – plaas in die posbus

Diegene wat verkies om hulle bydraes kontant te gee, kan steeds kontantbydraes by die kerkkantoor afgee. Daar is 'n beveiligde posbus by die voordeur van die kerkkantoor. Plaas jou bydrae daarin. Die posbus word daaglik leeggemaak.

BANKKOLLEKTES EN DANKOFFERS



VAKATURE VIR 'N KOMMUNIKASIE- BEAMPTTE

Die halfdagpos is beskikbaar by die Wes-Kaap Sendinggenootskap. Die suksesvolle kandidaat sal tuis werk en moet oor die volgende vereistes beskik:

- *Basiese rekenaarvaardighede
- *Uitstekende kommunikasievaardighede
- *5 jaar werks-ondervinding
- *Liefde vir die Here en sy werk
- *Pligsgetrouheid en betroubaarheid

Stuur asb 'n CV na:
director@missionsociety.co.za